

道慈綱要卅慈篇

世界紅卍字會道慈研究所講義

道慈綱要卍慈篇

嚴謹編述

緒論

本篇以研慈爲範圍。因慈業至廣。慈化至普。人爲萬物之靈。各具惻隱之心。自應研求慈旨。廣行方便。所以以卍慈名篇者。蓋因古今中外慈善團體。及慈善事業甚多。卍乃舉其大數。取廣大悉包之義也。茲將本篇之目次。詮釋於下。

一、既欲行慈。必先知慈爲何物。與吾人有何關係。吾人何以必須研之。並慈之種類爲何。何以有真偽之別。然後慈之功用乃見。故首章先言慈旨。

二、慈旨既明。必須實力奉行。方不至徒託空言。然行之之法如何。何以行慈能補助修道。並渡世救人。化萬劫於無形。臻世界於大同。故次章言行慈之要義。

三、行慈之義雖明。然個人之力有限。人之好善。誰不如我。必須群策群力。其效始宏。此道院所以有卍字會之設也。卍會既發生於道院。故人人宜有道德心。行慈祇求順應機緣。一以實惠及人爲念。不事沽名釣譽。不爲婦人之仁。不行姑息之慈。方可得慈業之正軌。惟是卍會之發源。與卍會之歷史。以及卍會之性質。卍字之意義如何。亦須加以說明。故三章言卍會之源史。

四、記會既以行慈爲宗旨。必須制定綱則。以資遵守。其綱則爲何。亦不可不知。故四章將記會綱則。逐條說明之也。

以上爲本篇編訂之大意。特先畧具梗概。以便依次演述。



世界紅卍字會道慈研究所講義 第二冊

道慈綱要卍慈篇目次

緒論

第一章 慈旨

第一節 慈之意義

第二節 慈之種類

一、有形與無形

二、有力與無力

第三節 慈之名實

第四節 慈之功用

第二章 行慈之要義

第一節 行慈之旨趣

第二節 行慈與修道之關係

第三節 行慈與社會之關係

第三章 社會之源史

第一節 社會之創設

第一目 社會之萌芽

第二目 社會之定名

第三目 社會之性質

第四目 社會之任務

第五目 社會之籌設

第六目 社會之成立

第七目 社會之維固

第八目 社會之識別

第二節 卍會之推設

一、國內卍會之推設附中華各地卍會一覽表

二、國外卍會之推設

第三節 卍會之事業

甲、臨時慈業附表二

子、救濟附歷年救濟工作表及攝影

丑、賑濟附歷年賑濟工作表及攝影

乙、永久慈業

第四章 卍會綱則逐條之說明

一、世界紅卍字會大綱

二、世界紅卍字會中華總會施行細目

道慈綱要正慈篇目次終



道慈綱要正慈篇

第一章 慈旨

第一節 慈之意義

慈有廣狹二義。廣義之慈。範圍至大。舉凡一切利物濟人。及其他本諸惻隱之天性而生之仁念善行。皆屬之。固不必一一見諸事實。彰彰在人耳目者。始得謂之慈也。狹義之慈。則反是。必也災患已始發現。然後從而救之恤之。使流離者各得其所而已。世人每忽於前者。而惟後者是務。蓋因狹義之慈。輕而易舉。且易得同情者之贊助。而博善人之美名。不似廣義之慈。費多而獲少也。惟是人心陷溺太深。世刼紛乘未已。不有廣大悉包

之至慈。作本末並籌之普拯。實不足以救正頽風。挽回否運。此各地卅會所以亟亟從事於廣義的慈業之由來也。茲將慈字之意義。及廣狹慈業之區別。分列於後。

一、慈字之意義 慈者。茲心也。从心茲聲。卽此心念茲在茲之

意也。又茲心者。己心也。亦仁心也。推己之仁心以及人也。又

慈者。滋也。萬物之生也。一生於水。水生於火。水火既濟。乃能

生於木。而爲相爲形。木非水火。不足以滋養。故曰。慈者。滋也。

夫道爲慈體。慈爲道用。二者相輔而行者也。道不可須臾離。

可離非道。慈也亦何莫不然。故必須時時念茲在茲也。孟子

曰。惻隱之心。人皆有之。賈子曰。惻隱憐人謂之慈。諺曰。人之

好善。誰不如我。是慈心慈念。實人之所同具也。降及近世。道德淪亡。慈念薄弱。奸詐巧僞。無所不用其極。馴至天災人禍。紛至沓來。天地盡戾戾之氛。河山無安寧之象。其因何始。皆由昧於念茲在茲之義。而放此心也。心放則縱慾敗度。無復忌憚矣。欲救其弊。先求放心。求其放心。乃可修道行慈。濟人利物。訓曰。修有不同。行則無異。異途同歸。不離是慈。故曰。念茲在茲。惟我赤子之心乎。然則欲以慈業挽劫救世。舍念茲在茲。不爲功。其關係不亦大哉。

二、廣義之慈 慈之範圍。至爲廣泛。無論其爲有形無形。有力無力。凡足以濟人利物之言行靜默。均得謂之慈。不過其間

有大小久暫之別耳。慈之小而暫者。固不若大而久。然亦須順其自然之機而應之。非可以勉強致之也。蓋慈之真旨。無非寓生於殺。寓殺於生。其生生不息之功用。靜動循環之機而已。天地之大德曰生。春生夏長秋收冬藏。皆慈也。設無收藏以節生長。則萬物蕃殖過盛。大地必不能容。勢將互相殘殺。以求自存。又何能成生生不息之功乎。由是可知四時運行一胞藏仁。殺亦是生。乃天地好生之至慈也。或曰。大道主生。慈亦是生。生而不滅。無窮無盡。方合道慈生生之旨。是言也。其未知道慈之真諦乎。蓋當生者生。不當生者。亦必順其因果之自然。若必生而不滅。則造因愈重。冤氣難伸。恐得其

果者。將十倍於斯矣。故世刼既由人造。亦必由人化。化之不能。必了之。了之不了。則祇有受之而已。此無他。因果使然耳。今有殺人之盜。以我道慈真旨。生生爲功。能救之乎。能使之不爲人抵乎。曰。不能也。彼之殺人。是其造因。彼之被抵。是其得果。執法者亦不過本除惡卽是善念之義。代天行罰而已。非有所私於其間也。然當其未執行時。我必周其衣食。顧其一時之命。及既抵法之後。亦必施以棺木。以表物傷其類之情。周其衣食者。係念茲在茲之本分。傷乎同類者。乃人道愛群之本旨。如是順其自然之機。方能保我赤子空空之心。而以開誠佈公爲道慈之真諦。以悟到十方四維六合上下內

外遠近。無一爲我赤心之所不能包。不能及者。更可知萬萬有有。不離赤心。具此赤心。一而容萬。萬爲配基。則上下古今天地萬靈。未始不包於我赤心之中。而慈功慈候。亦必由念茲在茲。濟人利物之真旨。而爲無窮之化育矣。

三、狹義之慈。此不過廣義慈業中之一部。蓋廣義之慈。包括慈愛兩項。愛者。災患未來。而預防之。如設立學校工廠等。勸人爲善。以化其心。並使有正當職業。不再爲非。所謂正本是也。慈者。劫燹已現。而拯救之。如水旱偏災之賑濟。及戰地兵民之救護等。使流離者各得其所。所謂治標是也。世人每忽於正本。而急於治標者。何也。非其心之不善也。實視爲不急。

之務。又何必多事爲哉。且治標易。正本難。當急難無告之時。目覩災狀。卽不善者。亦能激發其憫惻之天良。加以贊助。其素性本善者。更無論矣。故財力人力。均易湊集。又可邀善人之美譽。更何樂而不爲哉。此急時抱佛脚。所以難成大功也。雖然。當此世風不古。人心險詐百出。能沽名釣譽。不從中侵蝕賑欸者。已非易易。安敢更望其他哉。噫。可慨也夫。

總之。慈之意義。有深淺之不同。仁者見仁。智者見智。吾人尤不可忽者。順其自然之機耳。窮則獨善其身。慈也。達則兼善天下。亦慈也。人有困厄。吾加以拯濟。慈也。人有愚蒙。吾爲之解悟。亦慈也。善之爲用。至多至廣。非僅以仁漿義粟之賑濟。乃謂之慈。

也。再進而求之。凡處世接物取與之間。亦復如是。應取者取之。是慈也。應與者與之。亦謂之慈也。慈爲兼愛。亦爲兼善。就淺近者言。凡日用尋常之間。其合於事理者。皆慈也。於理不合。則非慈矣。如此言慈。庶可得慈之眞解乎。

第二節 慈之種類

慈本無種類之可言。茲所以強分爲四種者。不過爲演述便利起見耳。故就慈之本身。分爲有形與無形二種。更就行慈者方面立言。而分有力與無力焉。所以必如此分類者。一因世人每重有形而忽無形。以爲我目所能見者。乃得謂之慈。非然者。必無慈業之足道。更安知無形之慈。其功效尤重於有形萬萬耶。